

Welt kommen ist/das ER Ihm beyde auß Juden vnd Heyden ein Ewige Kirch samble/vnnd Seelig mache/das ER die schwere Last vnd Bürde der ganken Welt Sünde auff seinem Rücken auff den hohen Berg des Creuzes trage / vnnd sich selbs dafür Dyffere / vnnd das auß seinen Wunden das heylsame Del fliesse / dardurch die Schmerzhafften Wunden / so wir von der Alten Schlangen bekommen haben / geheylet werden. Darauff der Prophet / Esaias 51. c. tröstlich zeigt vnd Spricht: Durch Seine Wunden sind wir geheylet.

Auch hat Christus vnser Heyland / seine Jünger vnnd Christen lehren wollen / wie sie gegen einander Gütig vnnd Sanfftmütig sein/einer des andern Last tragen / vnd einander mit Trost/Rhat vnnd That vber vnd außhelffen sollen. Daher auch S. Paulus zum Gallatern 6. vermahnet: Einer trag des andern Last / so werdet ihr das Gesez Christi erfüllen.

Salomon Prov. 22. spricht: Reiche vnd Arme müssen vntereinander sein/der HERR hat sie gemacht.

Davon nimb diß Exempel: Drey gute Gefellen / geringes vermögens/die sich neben andern auch gern mit Gott vnd Ehren nehren wolten/ haben ein gewisse Summa Gelds in ihren kleinen Handel auff sonderliche weiß anzulegen: A. hat mit des B. Gelte 500. Denar. B. mit des C. Gelt 200. Denar. C. aber mit des A. Gelte 600. Denar.

Hie ist die frag/wieviel ein jeder innsonderheit habe?  
Facit: A. 200. B. 300. C. 400.

Die bedeutung diß Exempels ist auch gut / das vnser HERR GOTT die Armen vnd Reichen Geschaffen habe / vnd seine Gaben nit nach vnserm gutduncken / sondern nach seinem Racht/willen vnnd wolgefallen außtheilet/einem viel/

M iij dem